

ZOU PRESBYTERIAN CHURCH SYNOD



THE PRESBYTERIAN CHURCH OF INDIA

SEPGUOL PROGRAMME 2015

Thupi:
Agam leh Adihtatna
(Mathew 6:33)

To,

.....

.....

THUMAPUI

11th Session Resolution No. 38 leh Last Synod Executive Committee 2014 Resolution No. 14na phasah bang in **“A gam leh a dihtatna”** chi thupi tutung 2015 Sepguol hun a zang ding a Synod Nu leh Pate deitel giel thei ding a i um zieh in Pa Pasian hundampa Mangpa Jesu Khrist in thupina tang taken.

Sepguol khu Hattuum mite ahatlou leh abasam deute a ding a kisuhhalna khat a gel in Agam leh a dihtatna sui masa ding in i kichiel uhi. Report form a nitah teng a kikhawm zat leh tuohkhawm record hing bawl a Local report Synod a tung ding a hing pelut ding leh tuohkhawmte Local chinten Head Office a hing sunglut chiet ding in i kingen uhi.

Tualeh ahuntah a hawm thei ahina ding a Synod Office Staff te’n zong theitawp suo a, ahing kithuohpina tung uah zong lungdam thu ka gen hi.

2015 Sepguol Programme manphatah a zang thei chiet ding in Mangpa’n hing guolzawl henlen damna leh hun thoveng Hattuum michin hing pe taken.

Sd/-

Rev. Stephen Chinzathang

Executive Secretary

ZPCS

ZOU PRESBYTERIAN CHURCH SYNOD
SEPGUOL PROGRAMME 2015
Thupi: A gam leh a dihtatna (Mathew 6:33)

SEPGUOL PROGRAM HONNA

September 6, 2015 (Pasianni Nitah)

Puitu :
Sepguol honna :
Thumguolna : Mipi
Thugentu :
Thupi : Pasion gam (The Kingdom of God)
Bible sim ding :

Johan 14:1-4

“Na lungtanguh mangbangsah sih un, Pasion gingta unlen, Kei zong hing gingta un. Ka Pa inn ah umna tampi a um hi, a umlou hileh noute ka hing hilta ding hi. Nou a dinga mun bawla pei ding ka hi. Nou a dinga mun bawl a ka vapei leh ka hing pei kia ding a, ka kung ah noute ka hing la ding hi; ka umna a noute zong na um theina dingun. Ka peina ding na thei ua, alampi zong na thei uhi.

Hebrute 11:16

Hinanleh gam hoizaw lunggul ana hi ua, tua khu van gam ahi. Tuaziehin Pasion khu a Pasion uh chi a hat ding azum sih hi, aziehpén ama ua dingín khopi khat bawlsa’n akoipiehta hi.

September 7, 2015 (Seppatni Nitah)

Puitu :
Pantu :
Thumguolna : Mipi
Thugentu :
Thupi : A gam a i ten theina ding un Pasian in
bang ahing bawlsah ei?
Bible sim ding :

Johan 3:16-17

Aziehpen Pasian in khovel a it sengsenga, tuachi'n a tapa tangkhat neisun apie hi, koipou Ama gingta in amanthat lou a kumtawn hinna anei zawhna dingin. Khovel siemlou tangsah dingin Pasian in atapa leitungah asawl sih a, Khovel Ama vanga hundam ahitheina dingin asawl zaw hi.

September 8, 2015 (Sepkiani Nitah)

Puitu :
Pantu :
Thumguolna : Mipi
Thugentu :
Thupi : Pasian gam khu koite a ding ahiei?
Bible sim ding :

Mathew 7:22

Tua ni chiengin mi tampiin, Mangpa, Mangpa na min in thumavang ka gen ua, na min in dawite ka deldoh un, na min in sil lamdang tampi ka bawl uh hilou amah? Achi ding uhi.

Mathew 18:4

Tuaziehin koipou tam naupang neu banga kingaangiem mi khu, van gam ah alienpen ding hi.

Mathew 22:2-14

“Van gam khu leengpa koi ahiei in, atapa dinga kitenna annzaluina a bawl toh a gente hi. Tualeh aman kitenna anzaluina a, chielte han dingin asuohte asawl a, hinanleh amaute ahing haw nuom

sih uhi. Aman asuoh dangte asawl kia a, chielte kung ah, Ngai un, ka anzalui ka manta a, ka bawngtalte leh ka gan vahthaute ka gouta a, bangma zousie mansa ahita, kitenna ankuong im dingin hing peita un, va chita un, achi hi. Hinanleh amaun ana thusim sih ua, khat alou ah, khat asummet bawl na ah, akipeimangta uhi. Tualeh adangten asuohte aman ua, simmawhuoi tahin abawl ua, athatta uhi. Hinanleh leengpa'n tua thu azah tahin alungthahta a, tualeh agalkapte asawl a, tua tuolthatte asumang a, akhopi uh ahaltum piehta hi. Tuachi'n aman asuohte kungah, kitenna ankuong mansa ahita, hinanleh ka chielte lah ne taah ahi sih uhi. Tuaziehin lamkathuomte ah pei unlen, tualeh na mu taphot uh, kitenna ann ne dingin hing chiel un, achita hi. Tuachi'n tua suohte khu apawt ua, lamkathuomte a va pei in amu pouma uh, misie leh miphate zong abawn un ahing hankhawm ua, tualeh kitenna innsung khu michielte in ahing dimta hi. "Hinanleh leengpa khu michielte en dinga ahing lut leh, kitenna puon sillou mi khat khunah amuta hi. Tuachi'n ama'n akungah, Lawm bangchidan ahiei kitenna puon sillou a tana na hing lut? achi hi. Tualeh ama ahamta sih hi. Tuachi'n leengpa'n asuohte kungah, akhut leh akeng kaan unlen, pulam miel ah paidoh un, khunah kaa leh hagawina a um ding hi. Chielte tampi ahi ua, telte tawmnou ahi uh," achi hi.

Mathew 5:3

"Hagau a gentheite ahampha uhi, van gam ama-ua ahi zieh in.

September 9, 2015 (Nilaini Nitah)

Puitu	:	
Pantu	:	
Thumguolna	:	Mipi
Thugentu	:	
Thupi	:	Pasian gam khu bang toh bang ahiei?

Bible sim ding :

Mathew 17:1-4

Tualeh ni guh nua in Jesu'n Peter, Jakob leh asanggampa Johan atuom in muol sangtung khat ah azawpi touta hi, Amasang uah amel ahing kiheng lamdangta hi. Amai ni bangin ahing taangta a, apuonsilte vah bangin ahing vamta hi. Tualeh En vawi, Mosi leh Elijah akung ua hing kilah in Ama toh akihou uhi. Tuachi'n Peter in Jesu ahoupai a, akungah, "Mangpa ei a dingin tana um ahoi hi, pha na sah leh tanah bawhinn thum bawl vai in, Nanga dingin khat, Mosi adingin khat tualeh Elijah ading in khat achi hi."

Luk 16:19-31

"Mihausa koi ahiei khat a um a, puon sandup leh puon malngat asil a, ni chin in nuomsa tahn a um hi. Tualeh amin Lazar kichi apumtanga hima a dim mi hausapa kotpi bul a alupsah zel uh khutdaw khat a um a, Mi hausapa dawkan a akipat khateneng kia pou neh a kigilva sah alunggul hi. Tuathamlouin uite ahing pei ua, ahimate alieh piehzel uhi. Tualeh hichi ahing hi a, tua khutdawpa ashi a, vansawlsiengten Abraham angsungah a peipi uhi. Mi hausapa zong ashi a akivui ta hi. Tualeh mishi khuo ah gimthuohin a um a, adah tou a, gamlapi a Abraham leh a angsung a Lazar um khu amuta hi. Tuachi'n akikou a, Pa Abraham Kei hing khotuo inlen, Lazar in akhutme dawn tui ah hing die henlen ka lei suvot dingin hing sawl in, tam meikuongah ka thuohgim sengta hi, a chi hi. Hinanleh Abraham in Tapa nangman na dam lai in sil hoite na kimu a, tuamabangin Lazar in sil hoiloute amu hi, chi geldohin, hinanleh tuin vang ama hamuonin a um a, nang pen gimthuohin na um hi. Tualeh tamte chilou zong, koute leh noute kikaal ah guom thupitah a um hi; tua khu tamlang gal a kipat noute kunga hing pei utte ahing pei theilouna ding u'leh, tualang gal a kipata kou kunga hing pei utte, ahing pei thei louna ding un, achi hi. Tuachi'n aman ahileh, Pa ama khu ka pa inn a sawl dingin ka hing ngen hi. Aziehpén sanggam pasal nga ka nei a, amauh vahil leh tuachilou in ama u'zong tam gim thuohna mun

ah ahing pei kha ding uhi, achi hi. Abraham in akungah, amaun Mosi leh guolneite anei uhi, tuate thu na ngaikhie uheh, achi hi. Tuachi'n aman Hilou e, Pa Abraham, mishi lah kipat mi khat va pei leh akisia ding uhi, achi hi. Hinanleh aman akungah, Mosi leh guolneite thu angaikhiet nuom sih u'leh, mishi lah akipat mi khat thoukia nanleh zong atahsang tuom sih ding uhi, achi hi," achi hi.

September 10, 2015 (Ningani) Synod Day

Puitu :
 Pantu :
 Thumguolna : Mipi
 Thugentu :
 Thupi :
 Bible sim ding :

September 11, 2015 (Sintawpni Nitah)

Puitu :
 Pantu :
 Thumguolna : Mipi
 Thugentu :
 Thupi : Pasian gam lut theina ding in bang
 bawl ngai ahiei?

Bible sim ding :

Mathew 7:13-14,

"Kot kochih ah lut un, manthaina lampi kot khu alien a, alampi zong agol hi, tualeh khuna lutte khu tam zong atam uhi. Hinna zotna kot khu akochih a, alampi zong ahamsa a, amute zong atawm uhi.

Mathew 7:21,

"Mangpa, Mangpa hing chi zousie, vangam alut sih ding uhi, hinanleh ka Pa van a um deilam bawlte bou khu alut ding uhi.

Johan 4:24,

Pasian khu Hagau ahia, abe miten Hagau leh thutah a abieh ding uh ahi."

September 12, 2015 (Kiginni Nitah)

Puitu :

Pantu :

Thumguolna : Mipi

Thugentu :

Thupi : Pasion gam leh Setan gam akibang
sih hi

Bible sim ding :

Luk 16:20-31

Tualeh amin Lazar kichi apumtanga hima a dim mi hausapa kotpi bul a alupsah zel uh khutdaw khat a um a, Mi hausapa dawkan a akipat khateneng kia pou neh a kigilva sah alunggul hi. Tuathamlouin uite ahing pei ua, ahimate alieh piehzel uhi. Tualeh hichi ahing hi a, tua khutdawpa ashi a, vansawlsiengten Abraham angsungah a peipi uhi. Mi hausapa zong ashi a akivui ta hi. Tualeh mishi khuo ah gimthuohin a um a, adah tou a, gamlapi a Abraham leh a angsung a Lazar um khu amuta hi. Tuachi'n akikou a, Pa Abraham Kei hing khotuo inlen, Lazar in akhutme dawn tui ah hing die henlen ka lei suvot dingin hing sawl in, tam meikuongah ka thuohgim sengta hi, a chi hi. Hinanleh Abraham in Tapa nangman na dam lai in sil hoite na kimu a, tuamabangin Lazar in sil hoiloute amu hi, chi geldohin, hinanleh tuin vang ama hamuonin a um a, nang pen gimthuohin na um hi. Tualeh tamte chilou zong, koute leh noute kikaal ah guom thupitah a um hi; tua khu tamlang gal a kipat noute kunga hing pei utte ahing pei theilouna ding u'leh, tualang gal a kipata kou kunga hing pei utte, ahing pei thei louna ding un, achi hi. Tuachi'n aman ahileh, Pa ama khu ka pa inn a sawl dingin ka hing ngen hi. Aziehpeng sanggam pasal nga ka nei a, amauh vahil leh tuachilou in ama u'zong tam gim thuohna mun ah ahing pei kha ding uhi, achi hi. Abraham in akungah, amaun Mosi leh guolneite anei uhi, tuate thu na ngaikhie uheh, achi hi. Tuachi'n aman Hilou e, Pa Abraham, mishi lah kipat mi khat va pei leh akisia ding uhi, achi hi. Hinanleh

aman akungah, Mosi leh guolneite thu angaikhiet nuom sih u’leh, mishi lah akipat mi khat thoukia nanleh zong atahsang tuom sih ding uhi, achi hi,” achi hi.

September 13, 2015 (Pasianni Sun) Sunday School

- Puitu :
- Pantu :
- Tuohkhawm :
- Thugentu : Sunday School

September 13, 2015 (Pasianni Nitah)

- Puitu :
- Pantu :
- Thumguolna : Mipi
- Thugentu :
- Thupi : Van ah gou khol un
- Bible sim ding :

Mathew 6:19-21

“Lei a nget leh sam eeh in anehsiet na ah leh gutaten aphevang ua aguh theina uah gou kikhol sih un. Hinanleh van ah, nget leh sam eeh in anehsiet louna leh, gutaten aphevang ua, aguh louna uah gou kikholzaw un. Aziehpén na gou uh umna mun ah, na lungtang u’zong a um ding hi.

September 14, 2015 (Seppatni Nitah)

- Puitu :
- Pantu :
- Thumguolna : Mipi
- Thugentu :
- Thupi : Jesu Khrist gup leh nuol thu
- Bible sim ding :

Mathew 10:32-33 : Koipou mite masang a hing hum pouma, ken zong van a ka pa mai ah, ama ka hum ding hi. Hinanleh koipou mite mai a, kei hing kilepsan pouma Ken zong van a ka Pa masang ah ka kilepsan ding hi.

September 15, 2015 (Sepkiani Nitah)

Puitu :
Pantu :
Thumguolna : Mipi
Thugentu :
Thupi : Pasian gam mite um dan
Bible sim ding :

I John 4:7-21;

It tahte aw, khat leh khat iki it ding uhi, aziehpén itna khu Pasiana kipan ahi, tualeh michin itna nei pouma Pasian apieng ahia, Pasian athei hi. Itna neilou mi in, Pasian athei sih hi, aziehpén Pasian khu itna ahi. Tanah, Pasian in a itna eite lamah ahing langsahta, Ama zal a ihin theina dingin Pasian in A Tapa neisun leitunga ahing sawlna ah. Tanah itna a um hi, eiten Pasian i it chi ahi sih a, Ama neite ahing it a, i khelnate thuphatawina hi dingin A Tapa ahing sawl chi ahizaw hi. It tahte aw, Pasian in hichikhopa ahing it leh, eite zong khat leh khat iki it ding uh ahi. Mi koiman bangmachihin zong Pasian amu ngai sih hi. Eite khat leh khat iki it leh, Pasian eima ah a uma, A itna zong eima ah abukim ahi. Tanah eite Ama ah i um a, Ama zong eima ah a um chi ithei hi; A Hagau ahing pieh taah ziehin. Tualeh Pa in Tapa khu leitung hundampa dingin ahing sawl chi i muta ua, i theisah uhi. Mi koipou Jesu Pasian Tapa ahi chia phuong pouma khu ama ah Pasian a um a, ama zong Pasian ah a um hi. Tualeh i tunga Pasian in itna anei khu ithei ua, ging zong i gingta uhi. Pasian khu itna ahia, koipou itna a um khu Pasian ah a uma, Pasian zong ama ah aum hi. Tanah ilah uah itna abukimta hi, thukhen ni chienga hansanna i nei theina dingun, Ama hina bangbanga leitunga eite hina zong ahitah ziehin. Itna ah zauna a um sih a, itna bukimin zauna anotmang zaw hi, aziehpén zaunain gawtna ahing ngaituosah hi; zauna nei mi khu itna ah abukim nai sih hi. Aman eite ahing it masah zieh a, eiten Ama i it uh ahi. Mi koiahiei in “Pasian ka it” chi ngal a aunau amuda leh ama mi zuou ahi, amu giaguo aunau bawn it loupi’n amulou

Pasian bangchi’n a it thei diei? Ama a kipat tam thupieh eiten inei uhi, Koipou Pasian it in, aunau zong a it ding ahi.

Kol 3:5-10

Tuaziehin na tahsa hieng uh leitunga umte sulum un, huasannate, sienthoulounate, ki etlanate, utna giloute leh huoihamnate, huoihamna khu milim biehna ahi. Tam silte ziehin, thu manglou tate tungah Pasian lungthahna hing tung ding ahi. Tumasang lai in noute tua silte sunga na um lai un, amaute ah na hing uhi. Hinanleh tuin vang tam silte zousie, lungthahna, thangpaina, ase lam kideisahna, kigensietna, ham giloute na kam ua pat koimang un. Khat leh khat kisoltuo sih un, mihing lui khu asilbawlte toh na koimangta uhi. Mihing tha sil na hita uhi, tua mihing tha khu theina nei a Asiempa batpi a siemthain aum hi.

Late 1:3

Ama khu lui gei a sing kisuon ahun a ga zel, ana zong vuoi ngailou bang ahiding a, a silbawl pouma ah a lamzang ding hi.

September 16, 2015 (Nilaini Nitah)

- Puitu :
- Pantu :
- Thumguolna : Mipi
- Thugentu :
- Thupi : Leitung gam mite umdan
- Bible sim ding :

Rom 3:9-20;

Tua ahileh bang? Amauh sangin eite i hoizaw tuon uh amah? Hoizaw mawngmawng lou! Judate leh Jentelte ani un khelna thunuo i ah a um siengta uh chiin kichientahin ingoh masa ta uhi. “Midihtat koima a um sih, khat zong a um sih. A theisiem koima a um sih, Pasian sui koima a um sih. A unpi un alampielmang siengta ua, a unpi un phattuomna neilou asuoh siengta uh; Koima silhoi bawl a um sih ua, khat zong a um sih.”

Kol 2:20-23

Tuaziehin leitung thubulte apat Khrist toh shi na hitaah u’leh, bangdinga leitung dan a hing banga, dan thupieh nuoi a kitulut na hi uoi? “Sukha sin, chiem sin, thamsin, kichite,” Tamte zousie pen akizah pum a mang sieng ding ahi, tamte bawl khu mihing thupieh leh thuhilna a zui ahi. Tam silte khu akilat dan ah pil huoi bahna anei uh, hinanleh tam thuhilna amaute kibawlthu, biehna, kingaingiemna dihlou leh tahsa bangma a simlounate pen tahsa deilam suhpichinna lam ah bangma aphatuom sih hi.

September 17, 2015 (Ningani Nitah)

- Puitu :
- Pantu :
- Thumguolna : Mipi
- Thugentu :
- Thupi : Leitung dihtatna
- Bible sim ding :

Proverb 14:34

Dihtatna in nam atawisang a, hinanleh khelna khu nam zalatna ahi. Suoh piltahin leengpa deisahna atanga, hinanleh zumna umсах mi tungah athangpaina atung hi.

September 18, 2015 (Sintawpni Nitah)

- Puitu :
- Pantu :
- Thumguolna : Mipi
- Thugentu :
- Thupi : Ginna toh Pasion gam i lut ding uhi.
- Bible sim ding :

John 3:16;

Aziehpen Pasion in khovel a it sengsenga, tuachi’n a tapa tangkhat neisun apie hi, koipou Ama gingta in amanthat lou a kumtawn hinna anei zawhna dingin.

Jacob 2:17-18

Tuachimabangin ginna in nasep anei sih leh ashi ahi. Hinanleh mi khat in, “Nang ginna na nei a, ken nasep ka nei hi,” achikha ding hi. Na ginna khu nasep panglou in hing ensah inlen, Ken ka ginna ka nasep in ka hing ensah ding hi.

September 19, 2015 (Kiginni Nitah)

Puitu :
Pantu :
Thumguolna : Mipi
Thugentu :
Thupi : Hagau gate
Bible sim ding :

Galati 5:22-26

Hagau gate ahileh, Itna, kipahna, lungmuonna, thuohhatna, zainemna, hoina, ginumna; Thunuoilutna, kidehtheina, ahi, tambangte toh kikal dan a um sih hi. Tualeh Khrist a hita miten tahsa a a utnate u’leh adeigaw leh lunggulnate u’toh akilbehta uhi. Hagau a hing ihi u’leh Hagau ma ah i um ding uhi. Khat leh khat kilangbawl leh kithangsiet in um sih vai in, amawh a kithupisah itum sih ding uhi.

September 20, 2015 (Sunday Sun) Sunday School

Puitu :
Pantu :
Tuohkhawm :
Thugentu : Sunday School

September 20, 2015 (Pasianni Nitah)

Puitu :
Pantu :
Thumguolna : Mipi
Thugentu :
Thupi : Vaihawmna a dihtatna
Bible sim ding :

Proverb 11:14;

Kithuhilna umlouna ah mi mipite apua zel a, thuhilthei mi tamna ah bitna aum hi.

Tita 1:7-9

Hattuum lamkai pen Pasion gou kempa ahiziehin genbanglou, mi kiliensah hilou, lungthah bailou, zu dawnlou, miphawhtat hilou, sum met dei a huoiham mi hilou ahi ding hi, Mi kiphal, sil hoi dei mi, lungsim dih, mi dihtat, mi siengthou, mi kidehthei ahi ding hi. Thugin toh kituoh pomtah thute dettaha tudet mi ahi ding hi, tuachi'n thudih ama na kihilsa akipat, mi dangte ahantawh theina ding leh thudih anielkal dan uh ahilchien theina dinga thuhil na dih a tudet ding ahi.

Proverb 28:27-28

Koipou mi zawngte kunga sil pe pouma, atasam sih dinga, hinanleh amauh kimu maw bawl pouma in, gausapna tampi athuoh ding uhi. Migiloute ahing khanlet chiengun mite akibu ua, hinanleh amaute amanthai chiengun midihtatte akibelap uhi.

September 21, 2015 (Seppatni Nitah)

Puitu :
Pantu :
Thumguolna : Mipi
Thugentu :
Thupi : Tahsa deidan zuiten Pasion gam a luu theisih ding uhi.

Sim ding :

Galati 5:16-21

Aziehpen tahsain Hagau adou a, Hagau in tahsa a dou hi sil nabawl tupte uh nabawl theilouna dingun, tamte gel akikaltuo zel uhi. Hinanleh Hagau pui a na um u'leh, dan nuoia um na hi sih uhi. Tuin tahsa silbawlte akilang chien hi, tuate pen tamte ahi; angkawmna, kingaina, thanghuoina, sienthoulouna, numei pasal kaal a pahtatna, milimbiehna, bumna, kimudana, kihauna, thangsietna, lungthahna, kilangbawlna, huoihamna, kiselna, gintuomna; Deigawna, tuolthana, zukhamna, uongtatna leh tambang gamtatna dangdangte ahi, tambang a um miten Pasian gam aluo sih ding uhi, chia masang laia ka hing hil tah mabangin, ka hing hil khol ahi.

September 22, 2015 (Sepkiani Nitah)

Puitu :
Pantu :
Thumguolna : Mipi
Thugentu :
Thupi : Sahkhua a dihtatna
Sim ding :

Thugenpa 7:18;

Tami na tuhdet chinten ahoi hi, adang zong hasuolou ahoi hi. Aziehpen Pasian giing pouma, tuate zousie akipat in asuohta ding uhi.

Tam thu nite asan tahluot zieh in kipel sawm in. Na sakhomit pou a ahileh banglamlam ah zong lawching navateh (BSI Sut luipen ah).

II Kor 6:14-18

Ginglou mite toh kituohloupi in hahkol pokhawm sih un, aziehpen dihtatna leh danbeia gamtatna in bang kigopna anei uoi? tualeh vah leh miel in bang kipawlkhawmna anei uoi? Khrist leh Belial in bang kilemna anei uoi? Ahisihleh gingmi leh ginglou miin bang

tankhawm anei uoi? Pasion biehn leh milimten kithukimna anei uh amah? Noute Pasion hing biehn na hi uhi, Pasion in, “Ama uah ka teng dinga, amaute lah ah ka vah ding, a Pasion uh ka hi dinga, ama u’zong Ka mite ahi dinguh, achi bangin. Tuaziehin, alah ua kipat in hing pawtdoh unlen, atuom in um un, Mangpa’n achi hi. Asienglou mawngmawng khoi sih un, tuachi’n noute ka hing pom ding a; noute a dingin na Pa uh ka hi dinga, noute zong ka tapa leh ka tanute na hi ding uhi. Mangpa bangkim bawlthei in” achi hi.

September 23, 2015 (Nilaini Nitah)

Puitu :
 Pantu :
 Thumguolna : Mipi
 Thugentu :
 Thupi : Nasep a dihtatna
 Bible sim ding :

Kol 3:23-25

Na bawl pouma uh mihingte tunga bawl bang hilou in, Mangpa tunga bawl bangin lunglut tahin bawl un. Mangpa kunga kipat in kipahman gouluoding na mu ding uhi chi thei un, aziehpén Mangpa Khrist nasem na hi uhi.

September 24, 2015 (Ningaini Nitah)

Puitu :
 Pantu :
 Thumguolna : Mipi
 Thugentu :
 Thupi : Silpieh a dihtatna
 Bible sim ding :

Mathew 5:10;

“Dihtatna zieh a gawtna thuohte ahampha uh, van gam ama ua ding ahi zieh in.

Mathew 22:21,

Amaun akung ah “Kaisar” a achi uhi. Tuachi’n Aman akung uah, “Kaisar silte Kaisar kungah pie unlen, Pasion silte Pasion kungah pie un,” achi hi.

Mathew 17:27

Ahivang in amaute lung himawhsah da vai, tuipi ah va pei inlen, ngakuoi va kam inlen, nga hing pei masa pen man inlen, akam keh lachin dangka khat na mu ding a, tuakhu la inlen Kei leh nang a dingin akung uah pie in, tuachilou in vang isulungkim sih kha ding,” achi hi.

September 25, 2015 (Sintawpni Nitah)

Puitu	:	
Pantu	:	
Thumguolna	:	Mipi
Thugentu	:	
Thupi	:	Sum-le-pai a dihtatna
Bible sim ding	:	

Nasepte 5:1-11;

Hinanleh mi khat amin Anania in azi Saphira toh aneisa khat uh azua ua; Tualeh aman sekhat ama a dingin a im a, azi in zong athei hi, tualeh sekhat hing tawi in sawлтаhte keng bul ah akoi hi. Hinanleh Peter in, “Anania Hagau Siengthou sol ding leh gam man sekhat im ding a, Setan in na lungtang aluodim bangchidan ahiei? Gam khu zua lou a aum lai in, nanga hilou ahiei mah? na zua nua in zong nangma thuthu hinalai lou ahiei mah? Bangdinga tambang sil bawl dinga na lungtang a ngaituo na hiei? Mihing sol na hi sih a, Pasion sol na hi zaw hi,” achi hi. Anania in tam thu azah tahin apua a, ashita hi. Tuachi’n tam thu za zousie azau mama ta uhi. Tuachi’n tangvalte akipan ua, Anania luong atuom ua, azawngdoh ua, avuita uhi. Tualeh naikal thum ding vel nuain, bang sil tung ahiei chi theiloupi in azi ahing lut hi. Tuachi’n Peter in akungah, “Hing hil in gam na zuana uh hiza bep ma ahi na amah” chiin

adonga, amanu’n “Hi hiza bep ma hina,” achi hi. Tuachi’n Peter in akungah, “Bangchidan a, Mangpa Hagau ze et ding a kithutuoh na hi uoi? Ngai in, na pasal vuite keng kotkhah bul ah ahing tungta, nang zong ahing zawng ding uhi,” achi hi. Tuatahin akeng bulah apua pai a ashita hi. Tuachi’n tangvalte ahing lut ua, amanu shisa in amu ua, azawng doh ua, apasal kungah avuita uhi. Tuaziehin hattuum zousie leh tam thu za kha pouma nasatahin azauta uhi.

Mathew 24:45-51

“Suoh muonhuoi, pil tah apu in ahun chin a, atan ding uh hawmpieh dinga, a innkuonpite tunga houtu dinga, akoi khu koi ahi diei? Apu ahing pei chieng a, tuabanga bawla ahing mu, tua suohpa khu ahampaha hi. Chitahtah in ka hing hil ahi, aman tua suohpa khu anei zousie tunga vaihawm in apangsah ding hi. Hinanleh suoh gilou in alungsim in Ka pu hing tung pai zuai sih nava, chiin, asuoh hipite na vuoin, zukham annkhamte toh na ne in na dawnkhawmta leh, tua suohpa pu khu, agintat lou ni, akiven lou laitahin ahing tung ding a, tua suohpa khu tun ni asuo dinga, milepchiete tan bangbang atangsah dinga, khunah ka leh ha gawt a um ding hi.

SEPGUOL KISUHTUONA

September 26, 2015 (Kiginni Nitah)

- Puitu :
- Pantu :
- Thumguolna : Mipi
- Thugentu :
- Thupi : Neh-le-tah a dihtatna
- Bible sim ding :

Daniel 1:8-21

Hinanleh Daniel in leengpa ann neh ahiei, ahisihleh uoin dawn ahiei a, kisuhbua lou ding alungtangin atum chinten a, tuaziehin michilgete lamkaipa kungah akisuhbua louna ding in angenta hi. Tuachi’n Pasian in Daniel khu michilgete lamkaipa mitmu in

deisahna leh lainatna aneisahta hi. Tualeh michilgete lamkaipa'n Daniel kungah, "Na neh ding uleh na dawn ding uh hing guot pieh ka pu leengpa ka giing hi; aziehpén bang dinga na khanguolpíte sanga hoilou zaw a hing mu sese ding ahiei mah? Tuachi'n leengpa lah ah ka lutang zauhuoi sah ding na hi uhi," achi hi. Tuachi'n Daniel in Michilgete lamkaipa'n, Daniel, Hananiah, Mishaél leh Azariah enkol dinga ase sawnpa kungah: "Na suohte ni sawm sung hing enkhie in hepítahin neh ding ante louhing leh dawn ding tuisih maimai hing pie u'heh, Tuazou chiengin, ka mel puoh dan u'leh leengpa ann neh ne tangvate mel puoh dan toh etkah hi henlen, tualeh na mu bang bangin na suohte tungah bawl in," achi hi. Tuachi'n tami tungtang ah amauh athukimpi a, ni sawm sung amauh a enkheta hi. Tualeh ni sawm abeita in, amel uh leengpa ann neh ne tangvalte mel sang a hoizaw leh atahsate uh thauzaw in akilangta hi. Tambangin amaute enkolpa'n aneh ding u'leh adawn ding ua kipie ann tuipehte leh uointe ahemkhie a, ante louhing ngen apeta hi. Pasian in tam tangval lite zilna lam a siemna, theina leh pilna zousie a pie a; tualeh Daniel in mengmuna leh mangte zousie theisiemna anei hi. Lengpa'n amaute puilutna dinga ahun guot nite atuntah in, michilgete lamkai amaute leeng innpi sunga, Nebukadnezzar masang ah ahing zawpita hi. Tuachi'n leengpa'n amaute ahoupí a, amaute zousie lah ah, Daniel, Hananiah, Mishaél leh Azariah, toh kibang koima a um sih hi; tuaziehin amaun leengpa nna asemta uhi. Tualeh leengpa'n pilna leh theisiemna lam thu a adoh zousie ah, aleenggam sung pumpi a, mitphieldawi siemte leh ai san siemte, zousie sangin alesawm a hoizaw in amaute amuta hi. Tambangin Daniel khu Lengpa Sairas vaihawm kum khatna tandong a umtoupeh nalai hi.

September 27, 2015 (Pasianni Sun)

Puitu :
Pantu :
Thumguolna : Mipi
Thugentu :
Thupi : Pasion gam leh a dihtatna khu
Hattuumte kibulphuna ahi.

Bible sim ding :

Ephesa 5:23

Aziehpen Khrist khu Ama ngel tahsa pumpi, hattuum lutang leh hundampa ahimabangin, pasal khu zi lutang ahi hi. Tuaziehin hattuum Khrist kunga akituhlut mabangin, zite khu sil bangkim ah apasalte uh kungah kitulut u'heh.

September 27, 2015 (Pasianni Nitah)

Puitu :
Pantu :
Thumguolna : Mipi
Thugentu :
Thupi : Pasion gam leh a dihtatna ahing tun
theina ding in Jesun mawpuohna
ahing pie hi.

Bible sim ding :

Mathew 28:16-20;

Tuachi'n nuazui sawm leh khatte khu Galili gam a Jesu'n aguotpiehna muol ah apeita uhi. Tualeh Ama amu tah un abie ua, hinanleh kimkhatten aginglel uhi. Tuachi'n Jesu akung ua hing peiin, amauh ahoup a, "Van leh lei a thuneina zousie ka kunga pieh ahita hi. Tuazieh in pei unlen, namchin apat nuazui ding bawl unlen, Pa leh Tapa leh Hagausiengthou min in baptis unlen; thu ka hing piehte zousie zui dingin thu hil un, tualeh ngai un, Kei bangchih tan in, leitung tawp dongin na kung uah ka um ding hi, achi hi." Amen.

Nasep 1:6-8

Tuaziehin amaute ahing kikhawm ua, akungah “Mangpa tuin ahiei Israelte kunga leenggam na tunding kia ding?” chi’n adong uhi. Tualeh Aman akung uah, “Pain ahun leh ani Ama thu thua um dinga aguot, noute thei ding ahisih hi. Hinanleh na tung ua Hagau Siengthou ahing tun chiengin silbawltheina na nei ding ua, Jerusalem khuo ah, Judia gam leh Samaria gam zousie ah, tualeh kawlmong dongin ka thu theipite na hi ding uhi,” achi hi.

R E C O R D

Date	Biehinn / Inn mun	Kikhawm Zat	Tuohkhawm
1			
2			
3			
4			
5			
6			
7			
8			
9			
10			
11			
12			
13			
14			

15			
16			
17			
18			
19			
20			
21			
22			
23			
24			
25			
26			
27			
28			
29			
	Total		

Note:

[illegible]